





花笑軒彙編目錄

卷十一

雜啟

謝送禮並賀年節

謝餞行並賀秋節

賀徐靄亭年節

賀陳心齋明府年節

覆冢杏村送行

唁舅兄陸錦章內艱

賀壽蘭江午節

謝周紉齋邀飲

謝王楙齋邀飲

致亦仙兄家鄉被擾

覆魏實甫司馬告養

覆王仁甫刺史

卷十一 目錄

致贛縣錢仲虎明府

覆余心一謝謙

代致錢靜山

覆李仲山代辭館事

寄示官階品級別稱

致浙江饒少岳明府

覆丁芥畦見示黃花新咏

卷十二

雜啟

謝臨江府德曉峯觀察留識

謝裘汎安留宴

謝繪蘭題跋

致浙江厘局饒委員

致裘汎安



辭梅古芳明府邀籌瑞金交代

謝宋藍圃明府送禮餞行

謝魏實甫司馬餞行 託馮晉齋薦友代庖

致浙江開化縣湯少卿明府

致馬漪灝明府 託陳小蘭評批詩稿

賀饒州府德双壽 覆胡浙門

覆李仲山索欠 覆新淦縣王予庵司馬

覆傅實三近况 謝陸艾生招飲

唁吳子定內艱 賀尹吉生少尉壽

卷十一目錄

二

謝閔步階賀壽 賀南城謝杏園茂才

賀錢塘縣湯少卿明府蒞任

簡候余心一 寄示王子式藥方

賀湖南辰沅道童



見笑軒彙編卷十一

蕭山高延福柳洲稿

謝友人送年禮並賀年代

夙仰

謙光幸逢旅瓊辱

隆儀之遠賁勝待同人荷

大駕之頻臨過承无妄投報恒榮於丙念感慚咸
切於中懷茲際淑氣乘乾消息漸開泰運陽和
出震謳吟復兆豐年比惟

卷十一

○○二兄大人頤養延釐

井占集祐

執椒花而晉頌啓詎同蒙

撫柏葉以解頰說真爲兌

治家節用固無損下益上之思

有子觀型必多革故鼎新之象

師資在望豫忭曷勝○境未抽屯遯行安顧學殊

知困蠱惑猶滋悵睽隔之有時難期姑遇恨隨

從之之衍莫慰離情用特取巽語以相聞曩經

萃輯兼且祝

升華之丕著燕賀需殷肅比布候

履祺並賀

坤福不備

謝友人餞行並賀秋節

代

戊歲制東小住承

卯飲之見招亥年江右言旋辱

午橋之餞別書藉庚郵而達寄情非子墨所能宣

邇維

卷十一

三

○○二兄大人學富西山

奇搜丙穴

問桂花以香未美景正值夫良辰

看月魄之初申中秋無殊于上巳

寅寔在望戊夜縈思○辭愧受辛漫說胸中有甲

道慚枉已深知腹內無壬所幸庚癸之聲不聞

丁卯之編足樂謹于丑刻用佈乙函順候

侍祺卽希

荃照不備

賀袁州府刑友徐霽亭年禧

前荷

手函下逮極承

指示周詳三復臨風五中銘感瞬息換符之候殊

深獻頌之思辰惟

霽亭先生大人安硯宜陽

延麻勝舊

寒消蓉楊園爐開餞臘之筵

春到蓮帷佐治燦生花之筆

卷十一

三

門迎新祐疇切微忱

賀新淦縣陳心齋明府年節

自違

塵教每切馳思近聞爆竹之聲堪晉椒花之頌辰

惟

心齋先生大人新猷日勝

時祉雲增

花縣延鴻餞臘醉層糶之酒

樹聲聿駿當春邀

綸綽之恩聽

遷谷之好音實傾懷于忭頌。康城作嫁魚鹿如
恒惟至賓尚稱契洽公私亦覺順平差堪告紓。
綺注 令親黃小山世叔候差信郡許久未接信
函未知其近况若何便祈

示悉

覆家杏村

杏村宗兄大人如見昨展

手示欣悉

卷十一

四

耆中丞詞任粵東邀

文駕往辦文案行期改在新正兼悉

襟抱春和

賢嘉乳洽卜

揚麻于一路深私祝于五中。匏繫康城跡牽嫁

線不克分身晉省送別江干遙企

清儀實深悵從此天各一方未能時聆

蘭教倘逢驛使還祈

寄贈一枝雖遠猶近也

淦生弟諒必在可齋先

生處學習未識 春牝兄曾否借徃耳

致舅兄陸錦章

二月初九日接展 令妹來函驚悉

岳母大人棄養仙遊曷勝悲痛之至追憶前年秋間

親見

岳母大人舊恙雖未全捐起居尚覺清健私以爲願
養精神必可享至古稀以外誰知當年

六旬榮誕弟登堂拜祝之時卽係永別首容之日

伏念

卷十一

王

岳母大人愛憐逾格

垂注有年每以弟家壁立相如時切矜全之念雖

事難遂願力不從心而其一片憐恤之懷實深

銘感奈弟庸庸作嫁尚未圖報

鴻恩今一旦駕返瑤池變生意外弟又遠羈二千

里外不克親送

驚與凶耗傳來正令人抱痛之餘而兼深抱慚也

但不知因何病症遽賦西遊現在窀穸之事作

何辦理擇於何日營葬均深系念弟極思星馳

回紹躬詣

靈幃親執半子之禮奈

方伯催算交代甚嚴急須赴省與各前任會算
代務敝居停雜繫甚堅是以欲行又止惟有函

諭

小兒

謹具祭帳楮儀代躬叩奠俟冬間旋里

再行親奉芻香恭詣奠醮弟跡阻西江心馳東
越分身乏術惟有臨風灑淚而已

寄壽蘭江並賀午節

一別

卷十一

六

雲儀兩更月瑄瞬屆落梅之候時深采艾之思辰

維

蘭江三兄大人襟抱綏和

詩情愉暢

觴傾竹葉味沾蒲葉以添香

幕繞蓮花色映榴花而彌艷

吟窻受祜忭頌裁箋

弟

羈跡康城勞形積贖賦資

愚昧愧無徐穉之才嫁線紛繁若在山陰之道

因

薰風之時拂倍念

故人倘驛使之偶逢望

賜塵教俾得從繩有自則感蒙無涯矣

謝周叔齋邀飲花宴校書種梅月仙

綉齋仁兄大人閣下前趨

蓮幕幸接

芝光旣頌

玉屑清言並飭

郇厨盛饌開

卷十一

七

霞觴而流醖人醉梅花聆

錦句之如仙杯邀月影殷勤款洽每飯不忘辰維

吟情暢適

碩祉綏和跂

喬采以臨風深懷思于落月弟車返康城案多積

牘加以新舊爰接彌覺昕久不遑當此紅葉含

烟黃花冒雨秋景正堪延賞祇因嫁線牽人不

克久住宜陽與

閣下同赴春台携樽咏賞猶令人悵悵也

謝王楙齋邀飲花宴

校書月仙馥梅

楙齋先生大人閣下日前重趨

蓮幕暢挹

蘭芬實受益之良多切感蒙于無已匆匆分袂忽

忽經旬辰維

硯社綏和

吟情暢適

月開仙桂曾邀香影于杯中

釀散梅花先訪冰肌于嶺上

卷十一

八

芸牕遣興藻頌傾心

弟

車返康城案多積牘加以

新舊交接彌覺昕夕不遑當此半江紅樹三徑

黃花竟因嫁線勞人無暇携樽咏賞不幾有負

此景而爲

高人所笑耶

弟

自慚綆短之才時切汲深之慮還

祈

箴言頻錫屐幾沾闕稍彌夙荷

垂書當不

吝玉也

還家鄉被擾情形

亦仙二兄大人如握四月中 許星台太守到江

接

手示知去秋託 羅訐翁寄呈寸函已登

丙照並知

伯父大人航海赴京起居健適藉慰下忱承

示榮調入簾風欽

衡鑒不爽定能

選拔真才想覓宿學名儒已環列于門牆也錢清

本宗祠 高公祠 雲坡兄專祠均被焚燬惟

卷十一

九

前梅 五王祠尚存賊之爲害令人髮指粉姊

遇賊投河從容殉節爲吾紹所罕有今吾

兄奏請旌表不特堪慰幽魂且足以勵風俗忠臣

烈婦萃于一門矣 耆九峯制軍前辦饒州軍

務失利退守瑞洪被畢都司稟許 曾星使正

欲奏參適奉

旨升万伯而中止迨升江西中丞而調廣東中丞籌辦

軍務悉合機宜皆幕中 杏村宗兄之力今升

閩浙制軍仍邀 杏村兄運籌帷幄捷報頻聞

當不難一鼓而平也弟因居停 鄭梅翁捐升

太守交卸同返章門 許星翁已委署臨江未

及晤面互通尺素而已現承新選安仁 饑少

岳明府延辦度支擬于六月赴館眷屬仍寓省

中因廣饒頻聞鶴唳也外省部選人員稟到往

往以才具恐難勝任爲詞留省學習無非爲調

劑現署人員起見吾

兄奏請不准扣留廢疆臣不能高下其手矣承

詢外省時弊另單開呈請

卷十一

十

大才酌奪施行或有不便自行奏聞者囑同寅代

奏亦可至王甥六芳捐資募勇起義殺賊人所

共見若奏請獎叙亦激勵人心之一法雖係至

成亦不必避嫌疑但未知其曾否稟報上海各

衙門有案耳專此佈覆卽請

升安詳惟

心照不宣

覆魏實甫司馬

月前傳聞

弄璋之喜當泐碑奉賀諒邀

荃照七夕前一日接誦

惠函欣悉

安抵章門

祥凝潭第如頌爲慰昨閱省抄知河鎮同知一缺

另委有人諒

閣下告養之衷已悉允准當此涇涓皆是正志士

歸隱之秋彼庸吏爲虛名所繫俗吏爲落俸所

羈往往有白髮號衰猶戀棧而趨承不已烏紗

卷十一

十一

被劾尚投營而請托未遑豈皆不知勇退之爲

高耶由于識見未定名利難忘耳如

閣下之吏才未始不長宦途未始不順知遇未始

不隆竟能擢升階不以爲喜賜藍翎不以爲榮

調繁缺不以爲福視荊縣爲荆棘之所恐宦海

有風波之險求退未能感冒之書卽上告病未

允乞養之稟屢呈年力正強已慕三徑之菊囊

藁未裕不圖五斗之糧正值揚帆直上之時忽

深轉舵歸與之想

卓識高風人所難及遠跂

雲篔正令人欽佩之餘而兼深欣羨也惟○與

閣下四年聚首一日分襟悵

蘭友之遠離實葭思之倍切

榮旋珂里諒在秋末冬初九月間回省清理交代

尚可重聆

大教暢叙離情鴻便祈先

示我行期爲望

覆王仁甫刺史

虛昌

卷一一

十二

仁甫先生大人閣下藕花香裡暢挹

清芬蠶水江邊每懷

雅度正擬裁箋佈候乃承

喜翰先施三復洗薇五中篆竹藉論
于安風送

升祉秋高聽長城

歌遍紫紅曾譜琴聲以雅化卜良夜

杯銜李白定邀月影而闌吟卽晉

黃堂孔殷丹頰○征衫嫁線愧客况之如恒桐月

蕉風動秋思于無已所幸鄱湖浪靜皖界烟銷

北門之筮無恙下榻者差堪貼席耳

閣下飭毛書辨寄來批迴回照已如數收到另備

公牘移覆矣餘遵

台囑辦理肅此佈覆順請

升安並賀

秋禱統祈

靄照不莊

致賴縣錢仲篋明府

浣

仲篋先生鄉大人閣下去春重晤章門快聆

卷十一

十三

大教旋即

君回棠治我往鷺湖聯遠又屆春風遐溯每深秋

水辰惟

履祺勝舊

琴績煥新聽

遷谷之鷺聲實傾心于鳧頌。年年壓線草草勞

人現在羈跡省門爲安仁饒明府查算交代俟

二月間算清代務另圖機會聞蘇州退出之逆

竟擾徽嚴之交現在廣饒戒嚴 中丞已調兵

往禦吳左制軍進攻杭州尚未得手吾紹僅隔
一江猶難貼席也茲乘敝本家杏村赴贛之便

肅泐寸楮敬請

升安並賀

新禧統希

荃照不荏

覆余心一

心一仁兄大人如握自違

雅度相思與潭水俱深回憶

卷十一

十四

停車過訪荒齋挹公瑾之香剪燭禁留疏食抱茅

容之愧乃荷

瑤章齒及綺語拳殷敬對楮生頽滋汗矣比論

錦帆風送早解征裝南浦西山盡入子安之句紅

蓮綠水復垂庾杲之帷費雨在小樓深處聽鷓鴣

于疎柳陰中雅士吟懷不知如何暢適也如弟

俗塵萬斛填滿胸襟連朝門掩梨花竟不覺雨

絲風片中已屢踏青時節對此春光如繡徒喚

負負而已日前

瀟春山錦江開棹計已安抵葛城想見
簾開桃閣倩畫眉定知

帳暖春宵好占熊夢也手此佈覆敬賀

潭禱順請

大安統希

露昭不莊

致廣信府慕友錢靜山 代安仁樊少尉

久正

雲儀冰瞻

卷十一

五

山斗切寸丹之景仰非尺素可專宣敬惟

襟抱春和

心猷日煥

揮雲烟于東閣共推庾杲之才

賞風月于南屏盡入子安之句

芝光在望藻頌孔殷○毗景蓬飄錦江匏繫買山

有願嗟官况之蕭條教子無方賴

春風之嘘拂 小兒某 深慚愚陋既蒙

逾格栽培 小外孫 未識之無復荷

垂青教養俾末吏免窮途之慨孤兒少涉帖之悲
高誼隆情古今罕有銘心鏤骨感佩不忘矣

覆饒州府友李仲山爲辭王霞軒觀察邀辦度
支館事

仲山仁兄大人文几頃奉

惠書極承

闕愛臨風三復感且愧焉辰維

蕃場爭迎

庾帷叶吉慰如所頌承

卷十一

六

示館事極思往就奈賤恙雖覺漸愈而精神終未
復元若勉強就館恐萬一悞公轉負

王觀察之隆情與

閣下之雅意所

爲辭謝吾紹三江關沙壅旋挑旋塞將來防有水
害米珠薪桂居大不易

閣下擬在芝陽買山而隱不爲無見且可與陶潛
爲隣

素志何高雅耶惟蠡湖風景較遜鑑湖恐不足供

詩人之遊覽耳

寄示官階品級別稱

肖庭賢甥如晤昨接

手書欣悉

硯社綏和爲慰習幕務湏忍耐雖不必畏難亦不可
易視古人下帷讀書日不窺園三年讀律亦宜如此
勉之○怔忡如舊決計回籍就醫故承 王太守託
李仲山函邀 蔡明府託 馮晉齋函勸均已辭卻
旁人皆爲○惜而○實爲病魔所困 王楸齋帶病
就館竟已仙遊可爲前車之鑒吾

卷十一

十七

甥監生部照恐驟難奉到蓋部飯照費尚未一律
解清司中不能先行詳奏也所 詢官階品級別
稱自不可不知另單附去希

青照手此覆候

硯社

正一品

太師 太傅 太保 大學士

從一品

少師 少傅 少保 太子太師 太子太傅

太子太保 各部院尚書 都察院左都御史

右都御史 總督 巡撫

誥授 光祿大夫 妻封一品夫人 封贈三代 誥

命四軸

正二品

太子少師 太子少傅 太子少保 各省總督

各部院左右侍郎

誥授資政大夫 妻封夫人 封贈二代 誥命三軸

卷十一

十八

從二品

內閣學士 翰林院掌院學士 各省巡撫 布

政使司布政司

誥授通奉大夫 妻封夫人 封贈二代 誥命三軸

正三品

都察院左副都御史 右副都御史 巡撫加銜

宗人府府丞 通政使司通政司 大理寺卿

詹事府詹事 太常寺卿 奉天府府尹 順天

府府尹 按察使司按察使

誥授通議大夫 妻封淑人 封贈二代 誥命三軸

從三品

光祿寺卿 太僕寺卿 鹽運司運使

誥授中議大夫 妻封淑人 封贈二代 誥命三軸

正四品

通政司副使 大理寺少卿 詹事府少詹事

太常寺少卿 太僕寺少卿 會同四譯館少卿

鴻臚寺卿 順天府府丞 奉天府府丞

各省守巡道

卷十一

七

誥授中憲大夫 妻封恭人 封贈一代 誥命二軸

從四品

國子監祭酒 內閣侍讀學士 翰林院侍讀學

士 侍講學士 鹽運司運同 各府知府

誥授朝議大夫 妻封恭人 封贈一代 誥命二軸

正五品

左右春坊庶子 宗人府理事官 通政使叅議

光祿寺少卿 六科掌印給事中 給事中 各

部院郎中 順天府治中 奉天府治中 欽天

監監正 大醫院院使 各府同知 各直隸州

知州

誥授奉政大夫 妻封宜人 封贈一代 誥命二軸

從五品

翰林院侍讀 侍講 司經局洗馬 宗人府副

理事官 鴻臚寺少卿 各道監察御史 各部

院員外郎 各州知州 鹽運司運副 鹽課司

提舉

誥授奉直大夫 妻封宜人 封贈一代 誥命二軸

卷十一

三

正六品

內閣侍讀 左右春坊中允 國子監司業 各

部院主事 宗人府主事 經歷 都察院經歷

都事 理藩院主事 大理寺左右寺丞 太常

寺寺丞 大醫院院判 欽天監監副 五官正

京府通判 兵馬司指揮 京縣知縣 各外府

通判 神樂觀提點

敕授承德郎 妻封安人 封贈一代 敕命二軸

從六品

左右春坊贊善 翰林院修撰 光祿寺署正

滿五官正 布政司經歷 理問 鹽運使運判

直隸州州同 州同 曾錄司闈教 道祿司演

法

敕授儒林郎吏員出身者宣德郎 妻封安人 封贈

一代 敕命二軸

正七品

翰林院編修 太常寺博士 典簿 大理寺評

事 國子監監丞 內閣典籍 通政使經歷

卷十一

三

各部院寺司庫 各部院七品筆帖式 京府教

授 太僕寺主簿 四氏學教授 兵馬司副指

揮 京縣縣丞 七品朝鮮通事 太醫院御醫

通政司知事 按察司經歷 各縣知縣 各府

衛學教授

敕授文林郎吏員出身者宣德郎 妻封孀人 封贈

一代 敕命二軸

從七品

翰林院檢討 中書科中書 內閣中書 詹事

僧錄司覺義 道錄司至義

敕授修職佐郎

正九品

禮部太常寺讀祝官 贊禮郎 會同館大使

欽天監五官監候 五官司書 太醫院吏目

按察使照磨 各府知事 茶馬大使 各縣主

簿

敕授登仕郎

從九品

卷十一

三

翰林院待詔 國子監典籍 四譯館正教序班

鴻臚寺序班 鳴贊 製造庫司匠 刑部司獄

太常寺司樂 欽天監博士 五官司晨 按察

司檢校 司獄 府照磨 府司獄 倉大使

稅大使 道庫大使 宣課司大使 都稅司大

使 各州吏目 巡檢 土司副巡檢 僧綱司

都綱 道紀司都紀 府陰陽正術 府醫學正

科

敕授登仕佐郎

未入流

翰林院孔目 各部院無頂戴筆帖式 各部烏

林大 鑄印局大使 崇文門副使 兵馬司吏

目 各府檢校 長官司吏目 府庫大使 州

縣稅課大使 茶引批驗大使 州庫大使 河

泊所官 各縣典史 各閭閻官 驛丞 道州

縣倉官 州陰陽典術 縣醫學訓科 僧綱司

副都綱 僧正

別稱

卷十一

三

宰相中堂 協辦協揆 吏部天官 冢宰侍郎 各加一

少戶部 地官 禮部春官 兵部夏官 刑部秋官 工部

冬官 司空 左都御史總憲 副都御史副憲 給事中給諫

御史侍御 通政使銀臺 大理寺廷尉 太常寺奉常

太僕寺問卿 順天府尹大京 府丞少京 國子監

祭酒大司 司業少司 詹事府官詹 庶子宮庶 洗馬

宮洗中允 宮允 贊善宮贊 中書舍人 三事王政 郎

中正郎 員外郎副郎 銓部吏部 農部戶部 祀部禮

駕部兵部 比部刑部 工部工部 總督制軍 巡撫

中丞學士 文宗 漕督 漕帥 監政 饒憲 河督 河帥 布

政 力伯 按察 廉訪 運使 都轉 織造 尚衣 道台 觀察

知府 太守 知州 刺史 同知 司馬 通判 別駕 經歷 參

軍 知縣 明府 縣丞 貳尹 典史 少尉 教官 廣文 狀元

殿撰 翰林 太史 榜眼 探花 皆授編修 錄散 舉人 孝

廉 副榜 副車 貢生 明經 秀才 茂才 監生 上舍 童生

俊秀

九門提督 大金 提督 軍門 總兵 總戎 副將 協戎 參

將 參戎 遊擊 遊戎 都司 都關 守備 守戎 千總 千戎

卷十一

五

百總 把戎

致浙江候補縣饒少岳 雲鼎

少岳先生大人閣下達

教麟六載矣因

君回楚北 弟 返越東以致魚雁鮮通惟吟月落梁

間之句而已去歲函詢 秘實翁得悉

台旌赴浙升祀鼎新慰如所頌 弟 回越就醫聯經

四載因原籍錢清屋被賊焚寄住于山陰之樞

里卽當年賀知章歸隱之鑑湖考株守家園亮

無淑況實翁屢催赴江囑弟梢可支持卽就一

館以養家實翁知我貧也並附一詩有相期不

負三生約尋取詩盟與酒盟等句蓋欲重聯舊

雨情至深也弟季子囊空勢難坐食因家慈年

已七旬不忍遠遊千里外故欲行又止尚無就

道之期欲在浙省圖館又苦于汲引無人心如

懸旌身將何之未識

愛我者將何以教我也聞浙省候補各班人材濟

濟輪委補缺亦非易事

卷十一

三

閣下何時可以得缺

老伯大人諒必安意在楚令弟華翁近况若何便

示悉爲望茲乘暇友余心一兄赴杭之便率佈數

行順語

升安

致丁芥畦先生

古人詠菊花詩多矣晚近詩家卽燃髭苦吟終

難出古人窠臼今讀

先生與葉生高君黃花新詠花樣翻新見所未見句

與黃花並麗秀色可餐品與黃花並高俗塵不
染而其巧思縮合處更似名花四照面面玲瓏
花如有知當臨風而感知已矣集中如

先生所咏菊信云秋以爲期終踐約性難入俗漫相
猜菊命云籬下清閒終是福霜中閱歷豈無緣
菊榜云會聞折桂月中央步捷秋風姓氏揚誰
料黃花輕晚節也因名士榜重陽菊帖云淡容
只合書飛白傲骨分明搨硬黃菊孕云澹處精
神猶在抱秋來風月卽爲綠菊糧云籬間不患

卷十一

二十七

秋無葭霜後偏宜夕作餐足飽一生兼飼鶴能
充五斗便辭官菊祠云綠柳當門仍舊額黃金
鑄我是前身謗菊云縱令幽潔翻成傲共荷栽
培怎負春賀菊云尋常禮數腰三折淡泊人情
紙半張白菊云送酒有人衣共色傲霜惟我玉
爲容疏籬位置宜虛室處士門庭亦素封皆係
名句葉生佳句亦多若有愛才如隨園主人者
必採入詩話以傳世矣惜。已爲嘔心兒不能
效蟹奉和惟近咏五月菊並頭菊二律題目尚

新附錄呈

正以當報李

卷十一

天



